



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sancti Agobardi Archiepiscopi Lvgdvnensis Opera

Sancti Agobardi Archiepiscopi Lvgdvnensis Opervm ...

Agobardus <Lugdunensis>

Parisiis, 1666

Ad Gothescalcvm. Epist. II.

urn:nbn:de:hbz:466:1-14657

AD GOTHESCALCVM.

EPIST. II.

AMOLO humilis Ecclesiae Lugdunensis Episcopus dilectissimo fratri Gothescalco salutem. Quod te in hujus sermonis exordia fratrem nomino, quem fraternae unitati contrarium non ignoro, ea in quantum Deus largitur facio caritate, quam Scriptura nobis praecipit dicens: *Dicite his qui oderunt vos, fratres nostri estis.* Quia etsi ex illorum parte qui ejusmodi sunt fraternitas deperit, non idcirco etiam in nobis frigescere aut perire debet ipsius fraternitatis affectus. Quod autem non solum fratrem, sed etiam dilectissimum dico, Dominus novit quia te fideliter diligo, hoc tibi cupiens quod & mihi. Vnde & salutem tibi veraciter opto, praesentem pariter & futuram, per eam divini cultus pietatem, quae, sicut Apostolus testatur, *ad omnia utilis est, promissionem habens vita quae nunc est, & future.* Audiens sane & agnoscens quae in scriptis tuis misisti, & per quendam fratrem nostrum mihi innotescenda vehementissime flagitasti, diu haesitavi utrum tibi respondere deberem, homini de novis contra Ecclesiam præsumptionibus, & non parvis erroribus jamdudum accusato, & propter contumaciam, ut audio, Episcopalis Concilij auctoritate damnato. Importunum namque & impudens videri posse existimabam, si de causa, quæ prudentium & reverendorum

K iii

150 AMVILONIS ARCHIEPISCOPI
fratrum nostrorum inquisitione , cognitione,
& sententia definita est , aliquid vltro dicere
vel respondere aggrederer : & rursus , tan-
tam deprecationem & supplicationem tuam
contemnere & præterire silentio , non videba-
tur Christianæ esse pietatis & caritatis , per
quam præcipue lex Christi adimpleatur in no-
bis , testante & commendante Apostolo : *Al-*
ter alterius onera portate , & sic adimplebitis lu-
gem Christi. Vnde & cùm de seipso dixisset,
Factus sum infirmis infirmus , ut infirmos luca-
rer : omnibus omnia factus sum , ut omnes fac-
rem salvos. Et post aliqua , Non quærens quod
mibi utile est , sed quod multis , ut salvi fiam.
continuo , ut nos ad exemplum sui , & per hoc
ad exemplum Christi , instrueret & informaret ,
adjunxit , Imitatores mei estote , sicut & ego (chr-
isti. Ipse est enim verus & pius ille Samaritanus ,
qui descendenter ab Hierusalem in Hiericho ,
& à latronibus in itinere spoliatum , & vulne-
ratum , ac semivivum derelictum , clementer
miseratus est , alligans vulnera ejus , & vini at-
que olei infusione curans . tantæque misericor-
diæ & pietatis suæ nos imitatores esse deside-
rans , in fine hujus parabolæ unicuique nostrum
dicit , Vade & tu fac similiter . manifestè ostendens ,
illum verè esse proximum fratri , illum
verè imitatem sui , qui fraternalis necessitatibus
atque infirmitatibus prompta pietate &
compassione succurreret . Istiusmodi igitur con-
sideratione provocatus , & de venerabilium
fratrum atque consacerdotum nostrorum sin-
cerissima caritate confisus , (per quam in Domi-
no unum sumus , & invicem commissi nobis

Gal. 6.

1. Cor. 9.

Cor. 10.

Cor. 11.

Luc. 10.

I
one,
icere
tan-
tuam
leba-
, per
n no-
Al-
is le-
ifset,
ntra-
face-
quod
fian-
r hoc
oaret,
(br-
canus,
richo,
vulne-
enter
ini ar-
ricor-
eside-
strum
osten-
illum
litati-
ante &
r con-
ilium
fin-
Domi-
nobis

L V G D V N E N S I S E P I S T O L A . 1 5 1
ministerij onera & officia communicare debe-
mus, quatenus & illorum bona per unanimi-
tatis spiritum nostra, & nostra, si qua divina
misericordia esse possunt, illorum sint) melius
& salubrius existimavi aliquid tuæ fraternita-
ti rescribere, quæm inutili taciturnitate, & de
illis viderer diffidere, & tibi tam angustiato,
tam afflito, tam anxio & conturbato, nihil
consulere. Quapropter omnipotentis Domini
& Salvatoris largissimam & indeficientem oro
gratiam, ut nobis tribuere dignetur utilem &
veracem tuam consolationem & instructionem
sermonem, & animum tuum præparet ac tran-
quillet, ut quæ dicturi sumus, pia mansuetu-
dine & humilitate suscipias, ac seposita ani-
mositate, & studio contentionis, libenter quæ
vera sunt audias, & non nostra, sed Dei & san-
ctorum Patrum dicta obedienter suscipias, eis-
que animum tuum & sensum sincera pietate
summittas. quia ut verax veraciter Scriptura di-
xit, *Sunt viæ quæ videntur homini rectæ, & no-* Prov. 16.
vissimum eorum dicit ad mortem. & qui confi-
dit cogitationibus suis impiè agit. Vnde & alibi Prov. 12.
eadem Scriptura admonet, dicens, *& ne inni-* Prov. 3.
taris prudentiæ tuae. Hoc namque malum quan-
tum cavendum sit homini, etiam B. Ephrem
admirandæ sanctitatis & inlustrissimæ doctri-
næ pater ostendit, cum in hora exitus sui, ad-
stanti sibi uni ex discipulis, magni & acuti &
nimis curiosi ingenij, sollicitè admonens dixit:
Cave, Pauline, ne unquam te summittas cogi-
tationibus tuis. Quantum verò bonum sit obe-
dientiæ, & quantum malum contentionis &
contumaciæ, docet nos iterum sermo divinus,

K. iiii

152 A M V L O N I S A R C H I E P I S C O P I
ubi per Samuelem Prophetam dicit : *Melior est obedientia, quam victimæ, & auscultare magis, quam offerre adipem arietum.* quoniam quasi peccatum ariolandi est repugnare, quasi scelus idolatriæ nolle adquiescere. Itaque & tu, si bonus, & utilis, & pacificus Ecclesiæ filius esse desideras, noli te sensui tuo committere, sed majorum judiciis atque sententia, immo divinis & ecclesiasticis auctoritatibus facile cede, libenter adquiesce, & obedienter subdere, ut possit in te Dei spiritus habitare, dicente Domino per Prophetam : *Super quem requiescat spiritus meus, nisi super humilem & quietum, & trementem verba mea?* Videmus certè tempora novissima & pericolosissima, ab Apostolo olim prædicta, plena ignorantiae & infirmitatis animorum, in quibus illud Domini terribile dictum semper est reminiscendum, atque tremendum : *Qui scandalizaverit unum de pusillis his qui in me credunt, expedit ei ut suspendatur mola asinaria in collo ejus, & demergatur in profundum maris.* & iterum : *Væ mundo ab scandalis, necesse est ut veniant scandala. veruntamen vae homini illi, per quem scandalum venit.* Sed & aures & linguas prurientes cave, debemus, ne vel ad audiendas vel ad loquendas novitates prompti & faciles simus. *Quia & prurientes auribus, & profanas vocum novitates pariter Apostolus condemnat, & oppositiones falsi nominis scientiæ admonens devitandas, continuò de eadem falsi nominis scientia subjungit, dicens : Quam quidam promittentes, circa fidem exciderunt.* Cùm adhuc esses in partibus regni Germaniæ, audivimus in pri-

2. Reg. 15.

154. 66.

Matth. 18.

Ibid. 7.

1. Tim. 6.

mis super nomine tuo famam dolendam. quod videlicet novitates fereres, & stultas ac sine disciplina quæstiones ventilares. Deinde perlata est etiam ad nos studio ecclesiasticorum virorum quædam scriptura tua, in qua apertissimè, & prolixo sermone, atq; ut tibi visum est, etiam testimoniis Scripturarum, sive sanctorum Patrum, quid sentires sive doceres multipliciter exsecutus es. Nunc quoq; accepimus & alia scripta tua non parva, quæ ad Episcopos, vel contra Episcopos, qui in Concilio damnationis tuæ affuerunt, scripsisse vel protulisse videris. In quibus quanta potuisti intentione, de una tantum quæstione, id est, de prædestinatione divina, quid teneas, diligenter explicare curasti. Ita factum est, ut ex utraque scriptura tua, sive quam per alios, sive quam te mittente accepimus, plenissimè nobis cognoscere videamus, in quibus quæstionum periculis fluctuet, vel, quod nimis dolendum est, naufragetur sensus tuus. Quapropter compendiosè nobis & utiliter fieri posse videtur, ut ex illa tota serie scriptorum tuorum, ea quæ nobis fidei catholice maximè contraria esse videntur, brevibus & distinctis capitulis ordinemus; adjungentes, sive subjungentes per singula, quid è contrario Scriptura sancta doceat, & Ecclesia Dei firmissimè teneat, & ubique fideliter ac salubriter doceat. Cujus doctrinæ & sensibus te, quasi devotum & pium filium, inrefragabiliter obtemperare oportet, si cupis in ejus corporis unitate viuum & sanum membrum inveniri, & non cum putribus & emortuis justæ severitatis judicio abscisionem mereri. Hunc autem

154 AMVILONIS ARCHIEPISCORI
sermonis nostri tenorem , servato in omnibus
legitimo ordine , ac ecclesiastica auctoritate,
non tibi , qui infelici & miserabili lapsu excom-
municationem ab Ecclesia excepisti , sed prin-
cipaliter reverentissimo & carissimo nostro,
Metropolitano Antistiti direximus tuo , confi-
dentes in Domini pietate , quia cum haec lege-
rit , & nostrae erga te compassionis affectum co-
gnoverit , non indignatione aliqua adversum
te , sed boni patris & pij pastoris visceribus
commovebitur , ut his congruenter perlectis ,
& tranquillè apud te tractatis , si divina gra-
tia adspirante adquiescere volueris veritati ,
nequaquam diutiùs aberres à caulis , sed boni
& summi pastoris humeris reportatus , unita
inventæ ac redemptæ ovis , cum gaudio cœle-
stium & terrestrium , feliciter restituaris . Haec
sunt igitur quæ in scriptis tuis merito repre-
hendenda , & reprehensa , tanquam veræ fidei
catholicæ inimica , notavimus , & qualiter ad
regulam veritatis sint corrigēda perstrinximus .

IN PRIMIS displicet nobis valde , quod
dicas & asseris , neminem perire posse Christi
sanguine redemptum . Hoc enim dictum dupli-
citer fidei catholicæ adversatur . Si aut nemini-
nem ex numero Christianorum , postquam se-
mel in Christo baptizatus , & particeps redem-
ptionis Christi effectus est , perire posse confir-
mas , contra Apostolum apertissimè prædicantem
& contestantem , quoniam iniqui regnum
Dei non possidebunt , & quoniam qui illa vel il-
la crimina admiserint , regnum Dei non conse-
quentur , & non habent hereditatem in regno
Christi Dei . inter quos etiam illi sunt negato-

1. Cxx. 6.

L V G D V N E N S I S E P I S T O L A E . 155

res Christi , de quibus ipse terribiliter testatur:

Quicunque negaverit me coram hominibus , ne- Matth. 10.
gabo & ego eum coram patre meo qui est in cælis.

& illi infructuosæ fidei , de quibus ait , *Non* Matth. 7.

*omnis qui dicit mihi Domine , Domine , intra-
bit in regnum cælorum. sed & illæ fatuæ virgi-
nes , quæ non sumpserunt oleum in vasis suis
cum lampadibus , quibus clausa janua regni di-
sturus est , Amen dico vobis , nescio vos.*

Aut si Matth. 25.

non credis , omnes , qui vera fide & devotione
per baptismi gratiam regenerantur , Christi es-
se sanguine redemptos , immo in Christi mor-
te & sanguine baptizatos , licet postea plurimi
ex eis , vel per hæreses , vel per alia diversa cri-
mina pereant , manifestissimè contrarium est

beato Paulo Apostolo dicenti : *Quicunque ba-* Rom. 6.

*pitzati sumus in Christo I E S V , in morte ipsius
baptizati sumus.* Et B. Ioanni similiter de eo-

dem Domino-contestanti : *Qui dilexit nos , in-* Apc. 1.

*quit , & lavit nos à peccatis nostris in sanguine
suo.* Et beato Petro etiam de pessimis hæreticis ,

qui post baptismum redemptionis Christi de

Ecclesia recesserunt , ita dicenti : *Et eum qui* 2. Pet. 2.

*emit eos Dominum negant , superducentes sibi ce-
lerem perditionem.* Et ipsi Domino de eisdem

hæreticis per Prophetam dicenti : *Et ego redemi* Osa. 7.

eos , & contra me locuti sunt mendacia. Itaque

juxta fidem catholicam & apostolicam , pro-

pheticam & evangelicam , omnes isti , fideliter

ad baptismum Christi accedentes , non utique

alio pretio , sed Christi sanguine redempti sunt:

Sed cum plurimi ex eis eandem gratiam in se

irritam fecerint , & idcirco in æternum pe-

reant ; qua ratione verum est neminem perire

156 AMVILONIS ARCHIEPISCOPI
posse sanguine Christi redemptum?

SECUNDO loco displicet nobis valde, quia verissima & sacratissima Ecclesiæ sacramenta, videlicet exorcismi, & baptismi, chrismatis, & Eucharistiæ, ac manus impositionis, perfundatoriè & frustratoriè omnibus, qui post perceptionem eorum pereant, dari confirmas, dum eos sanguine Christi, sine quo ipsa mysteria, jam non mysteria, sed quædam velut vacua & inania ludibria sunt habenda, redemptos negas, cùm è contrario Apostolus, & veritatem redemptionis Christi, & verum divinorum mysteriorum effectum, etiam in eis qui irreparabiliter pereunt doceat esse conlata, cùm ait: *Impossibile enim est eos qui semel sunt inluminati, gustaverunt etiam donum cœlestis, & participes sunt facti Spiritus sancti, gustaverunt nihilominus bonum Dei verbum, virtutesque seculi venturi, & prolapsi sunt, renovari rursus ad patientiam, rursum crucifigentes sibi meti ipsis filium Dei, &c. & iterum: Quantomagis putatis deteriora mereri supplicia, qui filium Dei concaverit, & sanguinem testamenti pollutum duxerit, in quo sanctificatus est, & spiritui gratia contumeliam fecerit? & alio loco: Et peribit, inquit, infirmus in tua conscientia frater, propter quem Christus mortuus est? Ita veritas mysteriorum peragit virtutem suam, cùm fideliter accipitur, etiam in illis qui non permanent in veritate eorundem mysteriorum. Sed & in illa regula intelligendarum scripturarum de corpore Christi vero atque simulato, unde tu hunc errorem velut confirmare niteris, veraciter nos debes, simulationem denotari vitæ & mo-*

Hebr. 6.

Hebr. 10.

1. Cor. 8.

rum, non, quod absit, divinorum mysteriorum & sacramentorum.

TERTIO loco displicet nobis valde, quia & divinarum Scripturarum testimoniis, & sincerissimis sanctorum Patrum dictis, tam perversè abuteris, ut hæc omnia quæ manifestissimè adversùs divinam veritatem & paternam fidem disputas, ex illis non rectè intellectis multipliciter adfirmare contendas. In tantum ut illos qui ex numero fidelium pereunt, nec tunc, quando in primis ad percipienda mysteria regenerationis, & dominicæ oblationis, vel in parvula ætate ab aliis oblati sunt, vel ipsi in majori fideliter accesserunt, affirmes Christo & Ecclesiæ non incorporatos, nec membra illius quæsitæ & salvatæ ovis effectos, ac per hoc nec unquam fuisse Christianos. Nam quomodo est Christianus, qui non pertinet ad corpus Christi, qui non est membrum Christi? Cùm è contrario Apostolus etiam illos, qui graviter peccare, & in eodem gravi peccato perire possunt, membra Christi & templum Spiritus sancti esse dicat, quandiu fideliter & innocenter agunt.

Nescitis, inquit, quia corpora vestra membra Christi sunt? Tollens ergo membra Christi faciam membra meretricis? ^{1. Cor. 6.} *absit. & iterum: Nescitis quia templum Dei estis, & Spiritus sanctus habitat in vobis?* ^{1. Cor. 3.} *Si quis autem templum Dei violaverit, disperdet illum Deus, &c.*

QUARTO loco displicet nobis valde, quia tam durè & indisciplinatè & immaniter de divina prædestinatione sentis & loqueris in damnatione reproborum, ut omnes illos qui ad sanitatem ponendi sunt in die judicij, & cum dia-

158 AMVOLONIS ARCHIEPISCOPI
bolo atque angelis ejus pro malis meritis suis
æterno igne damnandi , ita sint divinitus ad in-
teritum prædestinati , ut eorum prorsus nullus
aliquando potuerit , nullus possit salvus esse.
Quod sentire & dicere quid est aliud , quam in
Deum graviter & horribiliter blasphemare , si
illis ejus prædestinatione hanc necessitatem inre-
vocabiliter imposuit , ut omnino quod ad salu-
tem suam proficeret operari non possint ? Sed
absit à nobis hoc recipere , ne meritum dam-
nationis illorum Dei culpa sit , qui eos tales
esse constituit , non illorum , qui aliud esse non
potuerunt. Huic errori , vel potius immanissi-
mæ impietati , resistit Scriptura dicens de illo:
Nemini mandavit impie agere , & nemini dedi-
spatium peccandi. Et ipse judex vivorum &
mortuorum destruit istud insanum mendacium ,
qui se in illo die judicij ita illis qui ad sinistram
stabunt dicturum esse prædictit : *Discedite à mi-*
maledicti in ignem æternum , qui paratus est dia-
bolo , & angelis ejus. Ut cur à se inseparabiliter
discedere sint digni , cur maledicti , cur diabolo
& angelis ejus in æterna pœna sociati , videlicet
non ex præjudicio prædestinationis suæ , sed ex
merito iniquitatis eorum , statim clarissimè sub-
jungat & ostendat dicens : *Quia esurivi , & non*
dedistis mihi manducare : sitivi , & non dedistis
mihi bibere , &c. Vbi evidenter ostenditur ,
quod non propterea damnantur , quia opera
salutis suæ facere non potuerunt , sed quia fa-
cere noluerunt. Vnde & Psalmista de codem
justo & æterno judice dicit : *Quia tu redes uni-*
cuique secundum opera sua. Non ait , secundum
præjudicia sua , sicut ista insana & furibunda

Ecclesiastes 15.

Matthew 25.

Psalms 61.

doctrina afferere conatur, ad nihil aliud, nisi ad subversionem audientium. Cùm è contrario fides catholica firmissimè teneat, nec ipsum diabolum, & angelos ejus, ad hoc unquam prædestinatos ut tales essent: sed quia tales suo vitio esse voluerunt, idcirco eis æterni ignis supplicia præparata. Omnipotens enim Deus non est auctor malorum meritorum, nec malorum hominum, nec malorum angelorum: sed ipsi sibi sunt auctores mali, quod propria voluntate gesserunt, Deus autem justus ultior & judex in his quæ ejus æquitate passuri sunt. Præscivit ergo æternaliter futura mala merita ipsorum, sed præscientia ejus non eis intulit necessitatem, ut aliud esse non possent, sed tantum prævidit quòd aliud esse nollent. Prædestinavit eisdem malignis angelis, & reprobis hominibus, perpetuas pœnas: non quia malignos & reprobos ipse eos facit, sed quia malignos & reprobos suo vitio futuros illos prævidit. & quos tales proprio vitio futuros prævidit, quid mirum si eos justo judicio suo æternis pœnis & incendiis prædestinavit, ut qui volentes peccaverunt, nolentes puniantur? Non itaque in illis prædestinavit omnipotens Deus quæ sibi erant facturi iniqua voluntate sua, sed quæ ipse de eis erat ordinaturus æquissimo judicio suo. Nulla enim prædestinavit injusta, sed tantum justa: iusta verò præscivit ut Deus futura, prædestinavit ut judex justus demanda. Nec præscientia tamen, nec prædestinatione sua, cuiquam malorum hominum, vel angelorum, necessitatem imposuit malè agendi, sed tantummodo pro malis gestis æternas pœnas luendi. Vnde

160 AMVILONIS ARCHIEPISCOPI
verissimè ad eum Scriptura dicit : Deus eterne,
qui occultorum es cognitor, qui nosti omnia ante-
quam fiant. & iterum de illo : Domino enim
Deo antequam crearentur omnia fuerunt cogni-
ta : similiter & post perfectum respicit omnia. &
alio loco, A seculo enim, inquit, usque in se-
culum respicit, & nihil est novum in conspectu
eius. Sunt quidem in malis & damnandis aliqui
reputati, qui aliud esse non potuerunt : sicut illi
parvuli recens nati, sub reatu originalis pecca-
ti defuncti, quibus per baptismum Christi non
potuit subveniri. sicut etiam illi ignorantibus
Deum, qui non potuerunt invocare in quem
non crediderunt, nec credere ei quem non au-
dierunt, nec audire sine prædicante, nec præ-
dicatorem habere, quia nullum ad se mitti me-
ruerunt. Sed & in his non est iniquitas apud
Deum, quia & illos traxit ad mortem originale
peccatum, & istos & originale pariter & actua-
le. Ipso tamen ubique justo judice, qui de tota
humani generis massa, ob primæ prævaricatio-
nis meritum justè damnatos, alios facit vasa mi-
sericordiæ gratuita gratia, alios permisit esse
vasa iræ justo judicio. Sin autem hoc queritur,
ubi in Scripturis prædestinatio in malam par-
tem dicatur, ipsum quidem propriè verbum
tali sensu positum forsitan non facile invenitur:
sensus tamen verbi manifestè in pluribus locis
apparet. Sicut in primis de angelis refugis B.
Iudas Apostolus dicit : Angelos vero, qui non
servaverunt suum principatum, sed derelique-
runt suum domicilium, carceribus caliginis dam-
natos tradidit in judicium cruciandos reservari.
& de Antichristo Paulus Apostolus dicit : Et
revela-

Dan. 13.

Ecclesi. 23.

Ecclesi. 39.

Iudea 6.

2. Thess. 2.

rivelatus fuerit homo peccati, filius perditionis,
qui adversatur & extollitur supra omne quod di-
citur Deus, aut quod colitur. & post pauca:
Quem Dominus interficiet spiritu oris sui, & de-
struet illustratione adventus sui. De Iuda quo-
que proditore ipse Dominus, cum pro Aposto-
lis oraret, *Et nemo ex eis periret, nisi filius perdi-*
Ioan. 17.
tionis, ut Scriptura impleatur. De quo etiam
Apostoli, orantes pro electione successoris ejus
Mathiae, ad Dominum dicunt: *Ostende quem ex*
Act. 1.
bis duobus elegeris accipere locum ministerij hu-
ius, & apostolatum, de quo prævaricatus est Iu-
das, ut abiret in locum suum. Tale est & illud;
quod per Solomonem dicitur: *Vniversa propter*
Prov. 16.
semetipsum operatus est Dominus, impium quo-
que ad diem malum. & quod in libro Iob scri-
ptum est: *Quia in diem perditionis servatur*
Iob. 21.
malus, & ad diem furoris ducitur. & in libro Sa-
pientiae de Ægyptiis: *Ducebat enim eos ad hunc*
Sap. 19.
finem digna necessitas. & apud Hieremiam de
quibusdam: *Congrega eos quasi gregem ad vi-*
Hier. 12.
timam, & sanctifica eos in diem occisionis. Tali-
bus etiam Amos Propheta dicit: *Qui separati*
Amos 6.
estis ad diem malum, & ad propinquatis solio
iniquitatis. Item de filiis Heli scelestis & sacri-
legis dicitur: *Qui non audierunt vocem patris*
1. Reg. 22.
sui, quia voluit Dominus occidere eos. & ad Ama-
siam prævaricatorem & impium regem Prophe-
ta loquitur: *Scio, inquit, quod cogitaverit Deus*
2. Par. 25.
occidere te, quia fecisti hoc malum, & insuper
quod non adquievisisti consilio meo. Sed haec om-
nia ita fideliter pensanda sunt, ut in eis & malo-
rum, sive angelorum, sive hominum, iniqui-
tas, & Dei vindicantis incontaminabilis justi-

Tom. II.

L

162 AMOLONIS ARCHIEPISCOPI
tia cognoscatur. Præordinavit atque tradidit
angelos malignos in judicium cruciandos refer-
vari: sed exigente eorum impietate, quia non
servaverunt ordinem & honorem suum, quem
sub Deo & cum Deo habere potuerunt. Et Iu-
das præcognitus & prædictus est filius perditionis,
sed meritò impiæ proditionis. abiit in lo-
cum suum, id est, sibi in pœnis destinatum &
præparatum: sed quia prævaricatus est de loco
ministerij & apostolatus. Ita non est mirum, si
Antichristus, quia præscitus est homo peccati,
præcognitus etiam & prædictus est filius perdi-
tionis. Et malus atque impius præparatur ad
diem malum, servatur in diem perditionis &
furoris: sed quia ipse sua sponte & malus &
impious existet. Ducebat & Ægyptios divini ju-
dicij necessitas ad exitium & interitum præpara-
tum: sed digna, quia pro impietatibus & con-
sumacia eorum justa. Sic & illi, qui velut pe-
cora æternæ morti devoti esse voluerunt, siqui-
dem impij manibus & verbis accersierunt il-
lam, congregantur quasi grex perditionis, &
sanctificantur, id est, quodammodo separan-
tur, ad diem malum, & ad diem occisionis. Sed
& impij filij Heli, & impius rex ille Amasias,
indigni habitu sunt judicio Dei, qui consilium
salutis suæ susciperent, & Deus illos occisioni
& perditioni præparavit. Sed justè utique ob
merita impietatum quæ de illis priùs Scriptura
commemorat, & excœcari & interire merue-
runt. Ait etiam Scriptura: *Et qui transgreditur
a justitia ad peccatum, Deus præparavit illum
ad romphæam.* Paravit ergo & præordinavit
istiusmodi transgressorē ad romphæam, id est,

Ecoll. 26

ad mortem & interitum : sed justè , quia ipse ultro transgressus est à justitia ad peccatum. Iuxta hunc igitur divinæ auctoritatis sensum , omnipotens Deus justo judicio suo prædestinat pœnas malis, prædestinat malos pœnis, nullum tamen prædestinat ut sit malus : quia non malorum sed bonorum auctor est bonus , & malorum gestorum ultior est justus , & si mala gerentes ad eum convertantur, indultor pius. Sciendum tamen , quòd prædestinationis verbum in malam partem , sicut in Scripturis minùs est usitatum , ita & à Doctoribus rariùs est usurpatum. & ob hoc nequaquam magnopere de eo certandum.

Q V I N T O loco non minùs detestamur & horremus , quòd ita exarfisti adversis eos qui æterno interitu sunt digni , ut dixeris eos tam irrevocabiliter & incommutabiliter perditioni esse prædestinatos , sicut Deus ipse incommutabilis & inconvertibilis est : & Episcopos , ad quos scribis , quasi misericorditer adhortaris , ut hoc prædicent populis , ut quia jam præfinitam damnationem evadere non possunt , saltim aliquantulum Deo supplicant & humilientur , ut statutas eis vel modicūm mitigeret & leviget pœnas. Obsecro , ubi hac unquam in Scripturis sacris legisti ? ubi in sanctis & catholicis Ecclesiæ doctoribus invenisti ? Cur non similiter diabolum & angelos ejus exhortaris , ut quia statutam damnationem evadere non potuerunt , jam nunc interim orent & deprecentur Dominum , ut eis mitiores & tolerabiliores fiant æternæ pœnæ ? aut quid amplius istis relinquis , quos similiter irrevocabili sententia damnatos asseris ? Huic tam atroci impietati contradicit

L ij

164 AMYLVONIS ARCHIEPISCOPI
Ecclesiæ fides, quæ diabolum cum angelis suis
credit inremediabiliter corruisse: hominibus
vero, etiam impiis, si recognoscant peccata
sua, si defleant, si confiteantur, si divinam
misericordiam implorent, indubitanter januam
indulgentię aperiri. Sic enim Propheta docet
& exhortatur dicens: *Quærite Dominum, dum*
inveniri potest; invocate eum, dum propè est. De-
relinquat impius viam suam, & vir iniquus co-
gitationes suas, & revertatur ad Dominum, &
miserebitur ejus, & ad Deum nostrum, quoniam
multus est ad ignoscendum. & iterum: *Quis am-*
bulabit in tenebris, & non est lumen ei? speret in
nomine Domini, & innitatur super Deum suum.
Et ipse Dominus per se: *Convertimini ad me,*
& convertar ad vos, dicit Dominus exercituum.
& alio loco: *Revertimini filij revertentes, & sa-*
nabo aversiones vestras. & iterum: *Impietas im-*
pij non nocebit ei, in quacunque die conversus
fuerit ab impietate sua. Ista est fides & pietas
Ecclesiæ. quia diabolum novit in malis suis sine
pœnitentia permansurum, nec ullam indulgen-
tiam accepturum: & hominibus ad Deum con-
versis per ineffabilem ejus bonitatem, & pœni-
tentia remedium concedi, & salutis aditum non
negari. Oro, quid tibi peccavit humanum ge-
nus? quid tibi peccavit Ecclesia? quid in ipsa
Ecclesia tot proximi & fratres tui, ut eis tam
magnum, tam patentem januam pietatis Dei
obstruere & obserare coneris? *Quis unquam fi-*
delis ecclesiasticus vir ita prædicavit, ut haec
tam attentè & obstinatè inculcare & confirma-
re non erubescas? Verè non est Christiana, sed
pagana, immo diabolica ista duritia: quam si

Esa. 55.

Esa. 50.

Mal. 3.

Hier. 3.

Eze. 33.

LUGDVNENSIS EPISTOLÆ. 165
bene cogitare & recognoscere posses , profecto
signares cor tuum , & manum tuam poneres
super os tuum. Legimus quidem in Evangelio , beatum Ioannem Evangelistam de Iudeis
dixisse : *Propterea non poterant credere , quia dicitur Isaia , Excœcavit oculos eorum , & induravit cor eorum.* Sed sicut B. Augustinus in
quinquagesimo ejusdem Evangelistæ tractatu
fideliter & catholice exponit , Sic dictum est , „ *Tract. 3.
in Ioan.*
*non poterant , vbi intelligendum est quod nobis
lebant , quemadmodum dictum est de Domi-* „
no Deo nostro , Si non credimus , ille fidelis per- „
manet , negare seipsum non potest. De omnipo- „
tente dictum est , non potest. Sicut ergo quod „
Dominus negare seipsum non potest , laus est „
voluntatis divinae : ita quod illi non poterant „
credere , culpa est voluntatis humanae. Non quia „
mutari homines in melius non possunt , sed qua- „
dio superba sapiunt , non possunt credere. Hoc de „
Iudeis , qui excœcati & indurati sunt , Deus præ- „
scivit , atque in ejus spiritu Propheta dixit. Non „
ergo poterant credere , juxta sensum fidelissimi „
Doctoris , quia hanc eorum futuram impossibi- „
litatem , id est , superbam impietatem , per quam „
Domini humilitatem contempserunt , & Deus „
verè prævidit , & per Dei spiritum Propheta „
verè prædictus . Claudamus itaque aures adver- „
sus hanc inauditam duritiam , & verba præci- „
pitationis , & audiamus præfatum Doctorem „
dulciter orantem , & dulciter disputantem ad- „
versus prophanae inaniloquia vanitatis. Quosdam „ *Tract. 53.
in Iacob.*
, inquit , nimia suæ voluntatis fiducia ex- „
tulit in superbiam , & quosdam nimia suæ vo- „
luntatis dissidentia dejectit in negligentiam. Il- „
L. iii.

166 AMVILONIS ARCHIEPISCOPI

“ li dicunt, Ut quid rogamus Deum ne vinca-
 “ mur tentatione, quod in nostra est potestate?
 “ Iste dicunt, Ut quid conamur bene vivere,
 “ quod in Dei est potestate? O Domine, ô pa-
 “ ter qui es in cœlis, ne nos inferas in quamlibet
 “ istarum temptationum, sed libera nos à malo.
 Lnc. 32.

Iohann. 12.

“ Audiamus Dominum dicentem, Rogavi pro u-
 “ Petre, ut non deficiat fides tua: ne sic existime-
 “ mus fidem nostram esse in libero arbitrio, ut
 “ divino non egeat adjutorio. Audiamus & Evā-
 “ gelistam dicentem, Dedit eis potestatem filios
 “ Dei fieri: ne omnino existimemus in nostra
 “ potestate non esse quod credimus. Verunta-
 “ men in utroque illius beneficia cognoscamus.
 “ Nam & agendæ sunt gratiae, quia data est po-
 “ testas, & orandum, ne succumbat infirmitas.

SEXTO loco similiter detestati sumus, quod
 Deum, & sanctos ejus, in perditione eorum,
 quos æternæ damnationi prædestinatos adsi-
 duè repetis, dicens exultaturos & gavisuros: cùm
 è contrario apertissimè Scriptura dicat: *Deus*
mortem non fecit, nec latatur in perditione vivo-
rūm. & alio loco: *Vivo ego dicit Dominus Deus,*
quia nolo mortem impij, sed ut convertatur & vi-
vat. & iterum: *Numquid voluntatis meæ est mori*
impij, dicit Dominus Deus, & non magis ut con-
vertatur à via sua mala, & vivat? Quomodo er-
 go lœtatur in morte & in damnatione impij, cùm
 ipse jurat non esse voluntatis suæ? aut quomodo
 gaudet ad ruinam cuiusquam, qui ut nullius
 bono, ita etiam nullius malo indiget, ut quasi po-
 tentior vel beatior fiat? Protulisti quidem, ve-
 lut ad muniendum sensum tuum, testimonia
 de Scripturis, sed incongruenter, & non eo sen-

Sap. 1.

Ezech. 18.

Ezech. 33.

su quo ibi posita sunt. Velut est illud: *Ego quo- Pro. 1.*
que in interitu vestro ridebo, & subsannabo. &
 illud, quod non de generali perditione impio-
 rum, ut tu posuisti, sed propriè de miseria &
 calamitate infidelium Iudeorum in Deutero-
 nomio dicitur: *Et sicut latus est Dominus su-*
per vos, benefaciens vobis, vosque multiplicans, *Deut. 28.*
sic latabitur disperdens vos, atque subvertens.
 Sed grandi & pia consideratione indiget, ut
 qualitercunque cogitetur risus & subsannatio
 Dei in interitu perditorum, & lætitia sive exul-
 tatio, non solum in profectu rectorum, sed
 etiam in subversione pravorum. qui, ut supra
 ostensum est, in nullius morte, in nullius per-
 ditione lætatur, nec aliquem perire velle se ju-
 rat: quia nullius interitum velut inimicus crea-
 turæ suæ desiderat, sed in eis qui pereunt, tan-
 tummodo finem malitiæ, & ordinem ac retri-
 butionem justitiae diligit. Sic itaque in interitu
 impiorum & iniquorum ridebit & subsannabit,
 cùm eorum superbiam & contemptum digna
 punitione humilians atque condemnans, om-
 nem creaturæ vanitatem, & elationem adver-
 sūs creatorem, inrisione & subsannatione di-
 gnam esse monstrabit. Vnde & divina eadē
 verba posita sunt, ut non diceret, de interitu
 vestro: scilicet non pro illo, sed in illo; id est,
 non pro illis qui sua culpa perierunt, sed quia
 in eorum justa perditione, in contemplatione
 rationalis & beatæ creaturæ, laus accrescit &
 gloria creatoris, exultante omni electa creatu-
 ra, non in tormentis miserorum, sed in æquita-
 te & veritate judiciorum divinorum. Quod
 etiam in præsenti seculo animabus sanctorum

L. iiii.

168 AMVILONIS ARCHIEPISCOPI

Psalm. 98.

conceditur , dicente Psalmista : *Exulta verum filie Iudea propter iudicia tua Domine.* Non ergo propter perditionem cuiusquam , sed propter divinæ æquitatis justitiam. Hoc sensu accipi potest & illud : *Lætabitur justus cum vident vindictam.* & illud in Salomone : *Et in perditione impiorum erit laudatio.* Lætatur autem omnipotens Deus , vel beneficiens iustis , vel mala retribuens pravis. Non quòd ipse diversa affectatione mutetur , atque varietur , cuius gaudere , sicut & esse , æternum atque incomparabile est , apud quem non est transmutatio , nec vicissitudinis obumbratio. Sed sicut spiritus patris dicitur loqui in eis quos loquentes facit , quos ad testificationem veritatis instruit & informat : qui etiam postulare pro sanctis , & gemere ac desiderare dicitur , quia eis quos repleverit affectum postulandi & gemendi & desiderandi inspirat. Ita & ipse lætatur in sanctis in quibus habitare dignatur , quia eos procul dubio lætantes facit , sive in donis gratiæ quam largitur piis , sive in iudiciis & æquitatibus , quibus impios punit. Pro quibus etsi humano affectu , sicut Apostolus dicit de se , tanquam homines contrastantur : tamen divino spiritu regente atque inlustrante , justa Dei iudicia laudare & glorificare non cessant. Cum igitur tam magna & ineffabiliter majori cautela , ut aliquatenus intelligi possint , divina verba indigeant , non facile à quoquam proferenda sunt velut pro se , ne forsitan bene tractata inveniantur contra se.

SEPTIMO loco , duo prorsus gravia mala in tuis nobis moribus plurimum displicuerunt. Vnum , quòd sacerdotes Dei , & rectores Ec-

Psalm. 57.

Prov. II.

clesiarum , tantis injuriis & convitiis & male-
dictis laceras , tanto dispectu & contumacia
conculcas , utique spiritu erroris & superbiae
miserabiliter deceptus , ut omnino nihil Chri-
stianæ patientiæ , nihil Christianæ reverentiæ
habere videaris. Nam inter cetera , omnes qui
infanæ sensuum tuorum zelo fidei resistunt , hæ-
reticos appellare non metuis , eosque à bono &
erudito viro atque catholico Episcopo Rhaba-
nicos nuncupare præsumis. Nec times Deum ,
quod in tales & tantos diaboli laqueos , per va-
niam instabilitatem mentis & corporis , & va-
niorem curiositatem atque arrogantiam incidi-
sti. Nec erubescis , quod in tot erroribus &
mendacijs ab omnibus ubique deprehenderis &
confutari. Nec doles , quod ecce tot annis à
corpo Ecclesiæ iustæ severitatis damnatione
præcisus , atque omni bonorum contubernio ac
solatio defraudatus , remansisti velut stirps inu-
tilis , & palmes aridus igni destinatus. Sed ad-
huc insuper os tuum maledictione & amaritu-
dine plenum est . & conversus in arcum pravum ,
non pro Domino , ut putas , sed Ecclesiam ma-
trem tuam , ejusque Præfules patres tuos , sa-
cilega audacia contemnens , adversus Domini-
num jacularis. Alterum vero malum est in mo-
ribus tuis , quod in omnibus quæ dicis & sen-
tis , sicut scriptura tua declarat , nullum omni-
no , hominum more bonorum , piè & humiliter
deprecari , nullius te sensui & auctoritati sum-
mittis , nec dicis , quod sæpe solet & dicit pie-
tas dicere , Obsecro bone vir , aut bone frater ,
si in his quæ dico aliquatenus erro , ferto infir-
mitatem meam , instruito ignorantiam meam ,

170 AMVLONIS ARCHIEPISCOPI
& probabis obedientiam meam , quia paratus
ero libenter suscipere quicquid veritas digna-
bitur declarare. Sed ita te sensui tuo credis , &
in ipsa veritate speculari & contemplari gloria-
ris , ut in scriptis tuis nec Deo ipsi supplices,
ut tibi quod melius est revelet. Quapropter
multum fraternitatem tuam exhortor & mo-
neo , & paterna pietate ac fraterna caritate per-
suadeo , ut revertaris in temetipsum , conver-
taris ad cor tuum , & excutias procul à te istum
errorem vanum , & laborem infructuosum ac
perniciosum , restituasque te sanctæ matris Ec-
clesiæ , restituas te obedientiæ Domini sacerdo-
tum & patrum tuorum , restituas te fraternu-
m omnium caritati. Ut qui modò jaces tanquam
vas perditum , cooperante Dei gratia , effici-
ris in domo ejus vas utile , ad omne opus bo-
num paratum. Nec terreas consideratione,
vel erroris quem incurristi , vel injuriarum,
quas in Dei sacerdotes intulisti , ne ex hoc ve-
lut implacabiles patiaris. Omnes deprecabi-
mur pro te , & ipsi ultro propter amorem Chri-
sti obliviscetur se , erintque apud omnes &
præterita errata in oblivionem , & præsens
conversionis tuae bonum in gaudium & exulta-
tionem. Tantum ne dubites , nec remoreris,
sed eruere quasi damula de manu , & quasi avis
de insidiis aucupis , ne in tali damnatione re-
pentina morte præventus , Ecclesiæ matri , cui
nunc mœrorem facis assiduum , luctum , quod
absit derelinquas perpetuum. Crede indubitan-
ter , quia hæc ex vera & sincera erga te caritate
& solo amore salutis tuae loquor. Nec omnino
æstimes , quod quædam superiùs , velut durius

PI
aratus
igna-
is , &
loria-
polices,
opter
z mo-
ce per-
onver-
istum
um ac
tri Ec-
cerdo-
aternz
quam
efficia-
us bo-
tione,
arum,
hoc ve-
recabi-
Chri-
aines &
ræsens
exulta-
ororis,
asi avis
one re-
ri , cu
quod
abitant-
aritatem
mmino
durius

L V G D V N E N S I S E P I S T O L A E . 171
& austeriùs prosecutus sum , ad confusionem
vel condemnationem tuam prolata. Sed scito
certissimè , quia ad hoc tantùm dicta sunt , ut
ea coram oculis ponerem tanquam in speculo
veraciter dijudicanda , & adjuvante Dei gratia ,
quantocius & studiosiùs emendanda. Siqui-
dem , ut bene ipse nosti , meliora sunt vulnera
amici , quàm fraudulenta oscula inimici. Ad ex-
tremum , breviter tuæ intimo caritati , gestum
esse intra Gallias , temporibus penè beati Papæ
Leonis , sive Agapiti , Concilium venerabile ,
& Ecclesiæ Dei valde utile , à pluribus Episco-
pis , quibus præfuit admirandæ sanctitatis , &
virtutum ac miraculorum , beatus Cæsarius A-
relatensis Episcopus . ubi diligenter de gratia
Dei & libero hominis arbitrio , de præscientia
& prædestinatione divina constat esse definitum ,
qualiter moderatissima & perpessissima ratio-
ne sentiendum , tenendum , & docendum sit.
Vnde híc ad commonitionem prudentiæ tuæ
paucissima verba subnecto , quibus aiunt : Hoc „ c. 25 .
etiam secundùm fidem catholicam credimus , „
quod post acceptam baptismi gratiam , omnes „
baptizati , Christo auxiliante & cooperante , que „
ad salutem animæ pertinent , possint & debeant , „
si fideliter laborare voluerint , adimplere . Ali- „
quos verò ad malum divina potestate prædesti- „
natos non solùm non credimus , sed etiam , si „
sint qui tantum mali credere velint , cum omni „
detestatione illis anathema dicimus . „

